

CONVOCATORIA PARA A CONCESIÓN, MEDIANTE PROCEDIMIENTO DE CONCORRENCIA COMPETITIVA, DE SUBVENCIONES AO ABEIRO DO PLAN DE EMPREGO MUNICIPAL (ANUALIDADE 2016)

1.- Entidade adxudicadora

- a.- Organismo: Xunta de Goberno Local do Concello de Xove
- b.- Departamento que tramita o expediente: Departamento de Emprego

2.- Obxecto

Concesión de subvencións para fomento da contratación laboral e do autoemprego ao abeiro do Plan de Emprego Municipal

3.- Beneficiarios

Empresas con personalidade xurídica privada calquera que sexa a súa modalidade, autónomos, sociedades civís, unións temporais de empresas, comunidades de bens, fundacións e asociacións aínda carentes de personalidade xurídica, que desexen contratar a unha ou máis persoas que reúnan os requisitos esixidos, sempre que o contrato sexa de duración mínima inicial de seis meses.

Para a liña de autoemprego, persoas que estean empadroadas e con residencia no municipio mínima de 6 meses anteriores á data de solicitude.

4.- Forma de adxudicación da concesión da subvención: Concorrencia competitiva. Ao tratarse de un procedemento administrativo que non leva aparelado o esgotamento do crédito nun só acto de concesión senon que a súa disposición se realiza en actos sucesivos, e tal e como dispón o artigo 31.4 da Lei 9/2007, de 13 de xuño, de Subvencións de Galicia, no momento do esgotamento da partida orzamentaria asignada non poderán admitirse posteriores solicitudes destinadas a participar del, salvo que se recorra a un incremento do crédito orzamentario ou se recorra a unha nova convocatoria, do xeito establecido no artigo 31.2 da lei anterior.

5.- Orzamento

A contía prevista para esta actuación na presente convocatoria é 70.000 euros con cargo á aplicación 241.470 do Orzamento Municipal de 2015 prorrogado para 2016.

6.- Contía da subvención

6.1.- Contratacións laborais indefinidas: no caso da contratación de un home, máximo de 5.400 para os tres anos; ata un máximo anual de 1.800 euros. No caso de unha muller, máximo de 6.300 para os tres anos e ata un máximo anual de 2.100 euros.

6.2.- Contratacións laborais temporais de seis ou máis meses de duración: no caso da contratación de un home, máximo de 3.000 euros para os tres anos; ata un máximo anual de 1.000 euros. No caso de unha muller, máximo de 3.900 euros para os tres anos; ata un máximo anual de 1.300 euros.

6.3.- Autoemprego: axuda equivalente ao importe da súa Seguridade Social co límite máximo de 5.400 euros para os tres anos (límite máximo anual de 1.800 €) no caso de un home e 6.300 euros (límite máximo anual de 2.100 €) para unha muller.

7.- Gastos subvencionables

Son subvencionables os gastos nos que se incurre pola contratación de personal indefinido ou temporal ou polo autoemprego que teñan lugar desde o 1 de xaneiro de 2016.

8.- Prazo e forma de xustificación

Fíxase un período máximo de xustificación documental para o libramento das subvencións concedidas ao abeiro do Plan de Emprego que rematará o 15 de marzo do ano seguinte ao de referencia, a non ser para as contratacións ou altas na seguridade social, no caso de autónomos, realizadas con posterioridade ao 15 de agosto, que disporán dun ano máis de prazo para solicitar o libramento desta axuda, non admitíndose xustificacións con posterioridade a estas datas, e perdéndose a subvención polo adxudicatario da mesma.

Para o caso de contratacións laborais

Despois da notificación do acordo de concesión da axuda, as empresa contratantes presentarán no Concello unha copia de cada contrato efectuado ao abeiro desta subvención.

Para o libramento da axuda correspondente a empresa aportará a seguinte documentación:

- Copia das transferencias bancarias das nóminas aboadas á persoa traballadora.
- TC1 e TC2 de todos os meses dos que solicita cobro.
- Certificado acreditativo de estar ao corrente no cumprimento das súas obrigas tributarias (Estado, Comunidade Autónoma e Concello de Xove), e coa Seguridade Social a nome da empresa.
- Declaración doutras axudas en modelo normalizado do Concello de Xove.
- Certificación expedida pola entidade bancaria no que conste o número de conta e titular da mesma
- O prazo para solicitar libramentos comezará ao día seguinte da aprobación da convocatoria anual e abarcará ata o 15 de marzo do ano seguinte ao de referencia, é dicir: o cobro de cada ano solicitarase antes do 15 de marzo do ano seguinte
- Con carácter excepcional e debidamente motivado poderán, non obstante pola Xunta de Goberno Local para casos específicos de subvención a unha empresa dun número elevado de traballadores cunha repercusión económica notable, efectuarse libramentos bimestrais ou trimestrais previa acreditación do pago das nóminas e do ingreso dos seguros sociais ca Tesourería da Seguridade Social.

Para o caso de autoemprego

Despois da notificación do acordo de concesión da axuda, a persoa autónoma presentará no Concello unha copia da alta na Seguridade Social que non poderá ser máis de dous meses posterior á data de solicitude desta subvención.

Para o libramento da axuda correspondente a persoa autónoma aportará a seguinte documentación:

- Recibos de pago de Seguridade Social de todos os meses.
- Certificado acreditativo de estar ao corrente no cumprimento das súas obrigas tributarias (Estado, Comunidade Autónoma e Concello de Xove), e coa Seguridade Social a nome da persoa e se é o caso da empresa.
- Declaración doutras axudas en modelo normalizado do Concello de Xove.
- O prazo para solicitar libramentos vai desde o día seguinte ao da aprobación da convocatoria anual e abarcará ata o 15 de marzo do ano seguinte ao de referencia, é dicir: o cobro de cada ano solicitarase antes do 15 de marzo do ano seguinte.

O período mínimo de alta na S.S. será de doce meses.

Para ámbalas dúas modalidades de subvención, o aboamento da subvención, unha vez aprobada a documentación xustificativa desta, será efectuada mediante transferencia bancaria á conta sinalada polo solicitante. Non se procederá ao seu aboamento se o solicitante non está ao corrente no cumprimento das súas obrigas tributarias e fronte a Seguridade Social ou sexa debedor por resolución de procedencia de reintegro.

9.- Presentación de solicitudes de subvención

a) Data límite de presentación de solicitudes:

-Para o caso de contratacións: O prazo está aberto durante todo o ano, pero será obrigatorio formalizar a solicitude dentro do prazo de un mes contado a partir da data de alta na Seguridade Social. Se no período de proba a empresa decidise prescindir dos servizos da persoa contratada, poderá solicitar outra ao Concello, que sexa solicitante así mesmo do PEM.

-Para o caso de autoemprego: O prazo para solicitalo está aberto durante todo o ano, e cada persoa debe facelo dentro dos dous meses contados desde a data de alta na Seguridade Social.

b) Documentación a presentar: impreso oficial completo acompañado da documentación esixida nas bases reguladoras da presente convocatoria.

c) Lugar de presentación: Rexistro Xeral do Concello de Xove. Camiño Real, s/n; 27880, Xove (Lugo)

10.- Resolución do procedemento: Xunta de Goberno Local, previo informe-proposta da Axente de Emprego e Desenvolvemento Local

11.- Obrigas dos beneficiarios da subvención

Para o caso de contratacións laborais

- 1) Manter actualizado o expediente.
- 2) Comunicar calquera modificación tida en conta para a concesión da subvención.
- 3) Presentar toda a documentación que sexa requirida desde o Concello.
- 4) Cumprir a normativa laboral e de seguridade social.

Calqueira outras obrigas esixidas nas Bases da convocatoria.

Para o caso de autoemprego

- 1) Manter actualizado expediente.
- 2) Comunicar calquera modificación tida en conta para a concesión da subvención.
- 3) Presentar toda a documentación que sexa requirida desde o Concello.
- 4) Cumprir a normativa de seguridade social.

Calqueira outras obrigas esixidas nas Bases da convocatoria.

12.- Outras informacións

No Departamento de Emprego do Concello de Xove.
Teléfono: 982.59.20.01

Aprobado pola Xunta de Goberno Local na súa sesión de 8 de xaneiro de 2016